

《佛說施一切無畏陀羅尼經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1373

No. 1373

佛說施一切無畏陀羅尼經

西天譯經三藏朝奉大夫試光祿卿傳法大師賜紫臣施護等奉 詔譯

如是我聞。一時世尊。遊行到於摩伽陀國菴沒羅林。住韋提呬山帝釋巖中。爾時帝釋天主來詣佛所。前白佛言世尊。我有怖畏謂阿修羅。於長夜中來相燒亂。阿修羅者我之怨敵。惟願世尊為我宣說擁護法門。

爾時世尊告帝釋天主言。天主我有陀羅尼。名施一切無畏。此法善能作一切事。能除一切病。復能禁止一切傍生。能解一切怨縛。若有阿修羅及諸羅刹部多一切邪異。乃至一切諸惡鬼神之所執持。謂邪惡所執。天執龍執夜叉執乾闥婆執。緊那羅執頻那夜迦執。母鬼等執皆悉消滅。又復若有吸精氣者。食華鬘者障產生者。食不淨者皆悉除遣。又復若有一切瘡疾。及風黃痰癢等諸疾病亦悉消散。一切鬪戰諍訟陣敵皆悉破壞。我今為汝說此陀羅尼而作擁護。陀羅尼曰

怛𩇑(切身下同)他(引一句)伊拏(二)彌拏(三)鉢囉(二合)彌拏(四)鉢囉(二合)彌拏哩(五)吾哩(六)謨(引)里(七)謨(引)瑟耽(二合八)那抵(九)嚩抵(十)珂囉抵(十一)珂囉尼(十二)誡拏尼(十三)誡拏鉢囉(二合)誡尼(十四)誡赧誡尼(引十五)謨(引)尼(引十六)鉢囉(二合)底謨(引)尼(引十七)哥(引)里(十八)鉢囉(二合)哥(引)里(引十九)贊拏(二十)鉢囉(二合)底贊拏(二十一)尾詣(引二十二)鉢囉(二合)底尾詣(引二十三)阿底尾詣(引二十四)蘇(引)那(引二十五)吾(引)拏(引二十六)謨(引)訶(引二十七)鉢囉(二合)謨(引)訶(引二十八)謨(引)拏(引二十九)鉢囉(二合)謨(引)拏(引三十)那(引)設儂(三十一)鉢囉(二合)那(引)設儂(三十二)馱(引)嚩儂(三十三)鉢囉(二合)馱(引)嚩儂(三十四)嚩洛誡(二合)儂(三十五)鉢囉(二合)嚩洛誡(二合)儂(三十六)涅哩(二合)多儂(三十七)鉢囉(二合)涅哩(二合)多儂(三十八)骨嚕(二合)達儂(三十九)阿底骨嚕(二合引)達儂(四十)賀那賀那(四十一)尾賀那尾賀那(四十二)薩哩嚩(二合)訥瑟吒(二合)鉢囉(二合)訥瑟吒(二合)那(引)設野(四十三)薩哩嚩(二合)跋野鉢囉(二合)那(四十四)犖(力角切下同)叉犖叉𩇑(引四十五)薩哩嚩(二合)咩(引)提跋野(四十六)訥瑟吒(二合)設咄嚕(二合)怛塞哥(二合)囉能瑟吒嚕(三合引)波捺囉(二合)吠(引)毘藥(二合四十七)薩波哩嚩(四十八)詰禰詰禰(四十九)薩哩嚩(二合)薩埵呬帝(引五十)囉帝(引)那莫薩哩嚩(二合)沒馱(引)喃(引)莎(引)賀(引五十一)

此施一切無畏陀羅尼。若持誦者。當以淨線加持四十一遍繫於頂上。或加持白芥子或加持牛黃。隨諸所用即得成就

又復若以塗香加持一遍塗自身分。即如被甲冑勇猛無畏。不為刀傷不為毒中。又復不為一日二日乃至七日等諸瘧疾之所纏縛。不為火焚不為水溺。不為呪害不為鬼魅不為病惱。不於一切天橫中死

又此陀羅尼善能作諸相應事業。一切成就法皆悉和合。作諸成就事無不成就者。他所作法皆能制止。不為他縛能破邪明自法隨轉。一切魔障皆能除遣。一切執魅悉能解散。若有所執不能除者。頭破作七分如阿梨樹枝

爾時帝釋天主。聞佛所說踊躍歡喜作禮而去

佛說施一切無畏陀羅尼經